



Vestmannaeyjabær

Persónuverndaryfirlýsing

Vestmannaeyjabær

Almennt

Vestmannaeyjabæ, kt. 690269-0159, Ráðhúsinu, 900 Vestmannaeyjum, er annt um friðhelgi einstaklinga og tekur persónuvernd alvarlega. Vestmannaeyjabær leggur áherslu á að meðferð persónuupplýsinga sé ávallt í samræmi við gildandi persónuverndarlöggjöf. Í þessari tilkynningu má sjá hvaða persónuupplýsingum Vestmannaeyjabær safnar um einstaklinga vegna starfsemi sinnar og í hvaða tilgangi. Þá má hér finna upplýsingar um aðra viðtakendur upplýsinganna og hvað við geymum þær lengi. Auk þess má hér finna upplýsingar um á hvaða grundvelli Vestmannaeyjabær safnar persónuupplýsingum, hvaða réttinda einstaklingar njóta og fleiri mikilvægar upplýsingar sem tengjast lögum um persónuvernd og vinnslu persónuupplýsinga nr. 90/2018.

Hvað eru persónuupplýsingar og vinnsla persónuupplýsinga?

Með persónuupplýsingum er átt við allar upplýsingar sem hægt er að rekja til tiltekins einstaklings, svo sem upplýsingar um nafn, kennitölu, heimilisfang, netfang, símanúmer, fjárhag, heilsufar, IP tölu og fleira. Í 2. og 3. tl. 1. mgr. 3. gr. persónuverndarlaga er að finna nánari skilgreiningu á persónuupplýsingum.

Með viðkvæmum persónuupplýsingum er átt við persónuupplýsingar sem njóta sérstakrar verndar samkvæmt persónuverndarlögum s.s. upplýsingar um þjóðernisuppruna eða kynþátt, stjórn mála- og trúarskoðanir, stéttarfélagsaðild, erfðagögn, heilsu, kynlíf eða kynhneigð.

Með vinnslu persónuupplýsinga er átt við alla meðferð og notkun persónuupplýsinga svo sem söfnun, skráningu, varðveislu, breytingu eða eyðingu. Í 4. tl. 1. mgr. 3. gr. persónuverndarlaga er að finna nánari skilgreiningu á vinnslu persónuupplýsinga.

Hvernig vinnur Vestmannaeyjabær persónuupplýsingar?

Hjá Vestmannaeyjabæ fer vinnsla persónuupplýsinga fram á lögmætum grundvelli og í samræmi við persónuverndarlög. Vestmannaeyjabær gætir jafnframt að því að persónuupplýsingar séu ekki unnar frekar á þann hátt að vinnslan sé ósamrýmanleg



Vestmannaeyjabær

upprunalegum tilgangi vinnslunnar. Vestmannaeyjabær gætir að því að farið sé að eftirfarandi meginreglum:

- 1) Að persónuupplýsingar séu unnar með sanngjörnum hætti.
- 2) Að persónuupplýsingum sé einungis safnað í skýrum tilgangi.
- 3) Að ekki sé safnað meiri persónuupplýsingum en nauðsynlegt er.
- 4) Að persónuupplýsingar séu nákvæmar og uppfærðar þegar þörf krefur.
- 5) Að persónuupplýsingar séu ekki geymdar lengur en þörf er á.
- 6) Að gætt sé að öryggi persónuupplýsinga með viðeigandi varúðarráðstöfunum.

Sjálfvirk ákvarðanataka

Sjálfvirk ákvarðanataka er það ferli þegar tekin er ákvörðun með sjálfvirkum hætti án nokkurrar mannlegrar aðkomu. Slíkar ákvarðanir geta verið byggðar á persónusniðum, þ.e. þegar persónuupplýsingar eru notaðar til að meta ákveðna þætti er varða hagi einstaklings, einkum að greina eða spá fyrir um þætti er varða frammistöðu hans í starfi, fjárhagsstöðu, heilsu, o.fl. Dæmi um sjálfvirka ákvarðanatöku væri ef ákvörðun um lánveitingu í gegnum vefsíðu byggði eingöngu á lánshæfismati.

Ekki fer fram sjálfvirk ákvarðanataka við vinnslu persónuupplýsinga hjá okkur.

Um hverja safnar Vestmannaeyjabær persónuupplýsingum?

Hjá Vestmannaeyjabæ fer fram fjölbreytt starfsemi og er sveitarfélaginu nauðsynlegt að safna og vinna með persónuupplýsingar um mismunandi hópa einstaklinga. Þær persónuupplýsingar sem sveitarfélagið hefur undir höndum geta verið um íbúa þess, starfsmenn, viðsemjendur og aðra þriðju aðila sem nauðsynlegt er að eiga samskipti við. Í ákveðnum tilvikum er nauðsynlegt að safna persónuupplýsingum um börn en sérstakrar varúðar er gætt við meðferð þeirra upplýsinga.

Hvaða persónuupplýsingum safnar Vestmannaeyjabær?

Undir öllum kringumstæðum leitast Vestmannaeyjabær við að safna einungis þeim persónuupplýsingum sem nauðsynlegar eru með hliðsjón af tilgangi vinnslunnar.



Vestmannaeyjabær

Í ákveðnum tilvikum þarf sveitarfélagið að safna viðkvæmum persónuupplýsingum, svo sem um heilsufar, trúarbrögð, aðild að stéttarfélagi og þjóðernislegan uppruna. Sérstök aðgát er höfð við meðferð skal slíkra upplýsinga.

Við söfnum og vinnum með eftirfarandi flokka persónuupplýsinga um umsækjendur, fyrrverandi og núverandi starfsfólk:

- grunnupplýsingar (nafn, heimilisfang, netfang o.fl.)
- stéttarfélagsaðild
- bankaupplýsingar
- skattaupplýsingar
- sakavottorð
- upplýsingar
 - úr starfsumsókn
 - úr ráðningarsamningi
 - úr tímaskráningu
 - um launagreiðslur
 - um heilsufar
 - úr tölvupóstssamskiptum
 - um orlof
 - um meðlagsgreiðslur
 - um verkefnastöðu
 - úr frammistöðukönnunum
 - úr starfsmannasamtölum
 - um ástæðu áminningar/uppsagnar
 - um námskeiðssókn

Vestmannaeyjabær safnar og vinnur með eftirfarandi flokka persónuupplýsinga um starfsmenn, viðsemjendur og íbúa sveitarfélagsins:

Tölvupóstssamskipti

Við notum m.a. tölvupóst til að eiga í samskiptum við umsækjendur og íbúa bæjarins og söfnum í þeim tilgangi tengiliðaupplýsingum ásamt samskiptunum sjálfum



Vestmannaeyjabær

Umsóknir

Í þeim tilgangi að afgreiða ýmsar leyfisumsóknir, söfnum við grunnupplýsingum um þá umsóknaraðila.

Reikningagerð

Í þeim tilgangi að veita gjaldskilda þjónustu sendum við út reikninga og innheimtum nauðsynleg gjöld, söfnum við grunnupplýsingum um þá sem þiggja þjónustu sveitarfélagsins ásamt reikningsupphæð.

Hafa samband í gegnum vefsíðu

Við tökum við ábendingum og fyrirspurnum frá íbúum bæjarins og öðrum einstaklingum í gegnum vefsíðu okkar í þeim tilgangi að veita upplýsingar og þjónustu til íbúa og annarra einstaklinga. Í þeim tilvikum söfnum við auðkennis- og tengiliðaupplýsingum, ásamt innihaldi ábendinga eða fyrirspurna.

Í þeim tilvikum þar sem Vestmannaeyjabær þarf að safna viðkvæmum persónuupplýsingum, svo sem upplýsingum um aðild starfsmanna að stéttarfélagi og um heilsufar starfsmanna er sérstök aðgát höfð við meðferð slíkra upplýsinga.

Tilgangur með söfnun persónuupplýsinga

Tilgangurinn með söfnun upplýsinganna er að:

- Geta efnt samningsskyldu, til dæmis við starfsmenn.
- Geta veitt ákveðna þjónustu, til dæmis við íbúa bæjarins.
- Gæta að lögmætum hagsmunum bæjarins.
- Gæta að lögmætum hagsmunum annarra.
- Uppfylla lagaskyldu.



Vestmannaeyjabær

Lagagrundvöllur fyrir vinnslu persónuupplýsinga

Vestmannaeyjabær safnar og vinnur persónuupplýsingar á eftirfarandi lagagrundvelli:

- Til að uppfylla lagaskyldu.
- Til að uppfylla samningsskyldu, til dæmis við starfsfólk og viðsemjendur.
- Samþykki einstaklinga, til dæmis vegna myndbirtinga í leik- og grunnskólum.
- Til að gæta að lögmætum hagsmunum bæjarins, til dæmis eftirlit í öryggis- og eignavörsluskyni.
- Vegna beitingu opinbers valds sem bærinn fer með.

Hve lengi geymir Vestmannaeyjabær persónuupplýsingar ?

Vestmannaeyjabær er afhendingarskyldur aðili samkvæmt lögum um opinber skjalasöfn nr. 77/2014. Vestmannaeyjabær er því óheimilt að ónýta eða farga nokkru skjali sem fellur undir gildissvið þeirra laga nema með heimild Þjóðskjalavarðar. Almennt eru þær persónuupplýsingar sem Vestmannaeyjabær vinnur afhentar Þjóðskjalasafni að þrjátíu árum liðnum.

Frá hverjum safnar Vestmannaeyjabær persónuupplýsingum?

Vestmannaeyjabær safnar persónuupplýsingum beint frá þeim aðila sem upplýsingarnar varða. Undir vissum kringumstæðum safnar bærinn upplýsingum frá þriðja aðila, til dæmis Þjóðskrá, heilbrigðisstofnunum eða öðrum þriðju aðilum. Þegar upplýsinga er aflað frá þriðja aðila reynir Vestmannaeyjabær eftir fremsta megni að upplýsa viðkomandi einstakling um það.

Hvenær miðlar Vestmannaeyjabær persónuupplýsingum til þriðju aðila og af hverju?

Vestmannaeyjabær miðlar persónuupplýsingum til þriðju aðila sem ráðnir eru til að vinna fyrir fram ákveðna vinnu, svo sem þjónustuveitendur sem halda utan um rafræn upplýsingakerfi. Í þeim tilfellum er gerður vinnslusamningur við viðkomandi aðila. Slíkur samningur kveður meðal annars á um skyldu hans til að fylgja fyrirmælum bæjarins um meðferð persónuupplýsinga og er honum óheimilt að nota þær í öðrum tilgangi. Jafnframt ber honum skylda til að tryggja öryggi upplýsinganna með viðeigandi hætti.



Vestmannaeyjabær

Í öðrum tilvikum getur einnig verið nauðsynlegt fyrir Vestmannaeyjabæ að miðla persónuupplýsingum til þriðju aðila, til dæmis þegar skylda stendur til þess samkvæmt lögum, svo sem Ríkisskattstjóra vegna launaútreikninga starfsmanna.

Flutningur persónuupplýsinga út fyrir Evrópska efnahagssvæðið

Vestmannaeyjabæ er kunnugt um að ströng skilyrði gilda um flutning persónuupplýsinga til ríkja sem staðsett eru utan Evrópska efnahagssvæðisins. Vestmannaeyjabær gerir það ekki undir neinum kringumstæðum nema fullnægjandi heimild standi til þess samkvæmt lögum um persónuvernd og vinnslu persónuupplýsinga nr. 90/2018.

Öryggi upplýsinganna

Vestmannaeyjabær leitast við að grípa til viðeigandi tæknilegra og skipulegra öryggisráðstafana til að tryggja öryggi persónuupplýsinga í samræmi við lög um persónuvernd og vinnslu persónuupplýsinga nr. 90/2018. Felur það meðal annars í sér að aðeins þeir starfsmenn hafa aðgang að persónuupplýsingum sem þess þurfa starfs síns vegna.

Auk þess stuðlar Vestmannaeyjabær að aukinni vitundarvakningu hjá starfsmönnum með reglulegri þjálfun og fræðslu um hvernig gæta skal að öryggi persónuupplýsinga.

Réttindi einstaklinga

Hafi einstaklingar veitt samþykki fyrir vinnslu tiltekinna persónuupplýsinga eiga þeir rétt samkvæmt lögum um persónuvernd og vinnslu persónuupplýsinga nr. 90/2018 að afturkalla samþykki sitt hvenær sem er. Sá réttur hefur þó ekki áhrif á lögmæti þeirrar vinnslu sem fram fór áður en samþykki var afturkallað. Þá njóta þeir einnig annarra réttinda, svo sem réttar til að vera upplýstir um vinnslu, réttar til aðgangs að gögnum, réttar til að fá rangar eða villandi upplýsingar leiðréttar, réttar til að persónuupplýsingum verði eytt, réttar til að hindra að unnið verði með persónuupplýsingar um þá og réttar til að flytja eigin upplýsingar. Hafa skal í huga að réttindi einstaklinga eru ekki alltaf fortakslaus og kunna að vera háð ýmsum skilyrðum.

Samskiptaupplýsingar Vestmannaeyjabæjar

Nafn: Vestmannaeyjabær

Heimilisfang: Ráðhúsinu, 900 Vestmannaeyjum.

Netfang: postur@vestmannaeyjar.is



Vestmannaeyjabær

Persónuverndarfulltrúi

Hafi einstaklingar frekari spurningar um persónuverndaryfirlýsingu þessa geta þeir ávallt haft samband við persónuverndarfulltrúann okkar. Þetta eru samskiptaupplýsingarnar hjá honum:

Nafn: Dattaca Labs Iceland ehf.

Heimilisfang: Kalkofnsvegur 2, 101 Reykjavík.

Netfang: dpo@dattacalabs.com.

Símanúmer: 517 3444.

Réttur til að leggja fram kvörtun hjá Persónuvernd

Dragi einstaklingar í efa að Vestmannaeyjabær meðhöndli persónuupplýsingar þeirra í samræmi við lög um persónuvernd og vinnslu persónuupplýsinga nr. 90/2018 hafa þeir rétt til að senda erindi til Persónuverndar (www.personuvernd.is).

Endurskoðun á þessari persónuverndaryfirlýsingu

Persónuverndaryfirlýsing þessi getur frá einum tíma til annars tekið breytingum í samræmi við breytingar á viðeigandi lögum og reglugerðum eða ef breytingar verða gerðar á því hvernig Vestmannaeyjabær vinnur með persónuupplýsingar. Verði breytingar gerðar á persónuverndaryfirlýsingu þessari verður tilkynnt um slíkt á heimasíðu Vestmannaeyjabæjar: www.vestmannaeyjar.is

Eftir að breytingar hafa verið gerðar á persónuverndaryfirlýsingu taka þær gildi þegar uppfærð útgáfa hefur verið birt.

Síðast uppfær í september 2021